

萬泉縣志目錄

卷首輿圖考

縣境

縣治

學宮

公署

學堂

孤山

卷一輿地志

沿革

表附

疆域

城池

鄉鎮寺觀
集會附

公署

倉儲公
所附

山川津梁附

物產

卷二政治志

學宮

學校附

祠祀

壇壝廟
祠附

貢賦

雜稅附

戶口

里甲附

風俗

卷三政治志

職官

宦績

選舉

仕籍附

卷四人物志

鄉賢

仕蹟附

文儒

孝友

義行

卷五人物志

列女

卷六藝文志

文類

卷七藝文志

文類

卷八藝文志

詩類

卷終雜記附

陵墓

坊表

古蹟
八景附
異政

流寓

仙釋

祥異

萬泉縣志卷四

人物

鄉賢

杜璣

懋

附

漢皇甫嵩靈帝時為北平太守討黃巾賊張角等有功封槐里侯嘗請以冀州田租一年贍飢民民歌之曰天下大亂兮帝為墟母不保子兮妻失夫賴得皇甫兮復安居後拜太尉祀鄉賢

董永按通志上孝村人幼喪母家貧至孝傭力以事父及父卒就傭主貸萬錢葬之一日道遇一婦人求為妻永

與俱詣主人令織絹三百足以償其錢已而其妻辭曰
吾乃天之織女緣君至孝天帝令余助君償償言訖凌
空而去莫知所之祀鄉賢

鄭瓊水曰入其鄉望其棹楔則執鞭廝養卒有勝色矣
何則有之以為重也矧其人之德業聞望昭灼當世吊
古者則必詳其里居核其族氏能使異地異世咸欣慕
而相矜矧夫生當其地有不誇翹而樂道之也哉斯固
載筆者所必大書而特書之也茲邑之先賢不乏獨於
其中有可疑者二攷皇甫嵩係朝邨人皇甫規之從子

其事蹟始卒具載後漢書列傳甚詳又附見於真定名
宦然邑之皇甫村則有墓焉豈其人即皇甫村人歟董
永籍在青州府博興縣奉兵避兵於安陸史稱其賣身
葬父因有天女下嫁之事縣遂以孝感名而墓即在其
地乃志中則著其為上孝村人而墓亦存之又豈無所
據耶信以傳信疑以傳疑史之法也請以俟諸後之博
覽之君子

唐薛平字坦塗北薛村仁貴子仕絳隰節度使銀花光
祿大夫後為大司徒致仕封韓國公

吳裕丁興盛莊人為宿州符離縣令在官撫慈有恩黎
元感戴子調博物好古譽震兩河後唐時授慈州鄉甯
縣令不下琴堂民詠厥德孫仁魯有學行後漢時授隴
州吳山縣令清廉自矢污吏屏氣人謂克承世德云

宋吳

岫仁魯子賦性穎悟好學無厭建隆中薦授三泉

縣主簿開寶初擢神山令在官旌孝弟禮英賢勸農課

桑棋

棋

祥荐臻八年卒於官以子珉累贈水部員外郎

吳

珉岫長子太平興國二年特賜及第起家試校書

郎舒州團練使秩滿徙溫州從事尋知丹州授殿中丞

歷國子博士凡四佐大邑三典劇第瑗官秘書省正字
裴瑾把婁里人仕至永清軍節度掌書記徵拜監察
御史乾德初轉右補闕隸職如故開寶初加柱國四年
加上柱國祀鄉賢

薛顏字彥回西賈村人舉三禮中第為嘉州司戶參軍
代還對稱旨改將作監丞監華州酒稅以秘書省著作
佐郎使夔峽疏決刑獄還改太子左贊善大夫知雲安
軍徙渝閬二州擢三司鹽鐵判官河北計置糧草初丁
謂招撫溪蠻有威惠詔謂自舉代謂薦顏為峽路轉運

使累遷尚書虞部員外郎始孟氏據蜀徙夔州於東山據峽以拒師而民居不便也顏為復其故城命勾當廣南東西路轉運司事平宜州賊陳進遷金部員外郎改河東轉運使祀汾陰徙陝西河中浮橋歲敗顏即北岸醜上流為支渠以殺水怒因取渠水溉其旁因民利之奏請罷坊榷礬則晉礬當大售後如其策徙河北厯知河陽杭徐州累遷光祿少卿以少府監知江甯府邏者晝劫人執平人以告顏視其色動曰若真盜也械之果引伏轉右諫議大夫知河南府仁宗初遷給事中徙知

應天又徙耀州豪姓李甲結客數十人號沒命社
其黨會赦特杖甲流海上餘悉籍於軍以光祿卿
西京卒祀鄉賢

薛

向字帥正顏孫任太廟齋郎為永壽主簿權京兆戶

曹遷邠州司法參軍侍御史陳洎行邊向陳三弊言今
板築暴興吏持斧四出伐木無問井閭邱隴民不敢訴
必不得已宜且葺邊城函關秦東塞今西鄉設守是為
棄關內矣三司貸龍門富人錢抑非義也洎上其說
從之邠守治子城立表於市以撤屋力爭罷之監在京

權貨務連歲羨緡錢當遷秩移與其兄三司判官董沔
議改河北便羅行鈔法向曰如此則都內之錢不繼茶
鹽香象將益不售矣既而邊羅滯不行沔坐黜以向知
鄜州大水郡卒戍延安求歸視弗得皆亡奔而室廬盡
沒衆謀為盜向遣吏曉之曰冒法以赴急人之常情而
不聽若輩歸此武將不知變之過也亟往收溺尸貰汝
擅還罪衆乃安又論河北羅法之弊以為度支歲費緡
錢五百萬所得半直其贏皆入賈販家今當有以權之
過穀貴則官糴於澶魏載以給邊新陳未交則散糴價

以救民乏軍食有餘則出倉收之此策一行穀將不可
勝食矣朝廷是向計始置便糶司於大名以向為提點
刑獄兼其事武彊盜殺人而逸尉捕平民向覆其冤脫
六囚於死入為開封度支判官權陝西轉運副使制置
解鹽奏損畦夫數兼提舉買馬監牧沙苑養馬歲得駒
三百費錢四十萬占田千頃向請斥閒田予民置場於
原渭以羨鹽之直市馬於是馬一歲至萬匹昭陵復土
計費五十萬貫石三司將移陝西緣邊入鹽中於永安
縣向陳五不可以為失信商旅遂舉所闕之數以獻坐

事罷知汝州甫數月復為陝西轉運副使將漕八年入
鹽馬芻粟數累萬民不益賦其課為最种諤往迎蒐名
山詔向與議廷議劾諤擅興向言諤亡身以徇國有如
不稱臣請坐之諤貶亦罷知絳州再貶信州移潞州張
靖使陝西還陳向制置鹽馬之失詔向與辨靖辭窮即
罪之神宗知向才以為江浙荆淮發運使綱舟利益盜貨
嘗假風水沈溺以滅其跡向募客舟分載以相督察官
舟多冒占悉奪昇屬州諸運皆詣本曹受遺以地有美
惡利有重輕為立等式用所漕物為誅賞遷天章閣待

制上以向習知環慶地形召詣中書舊制發運使上
毋得出入至是弛其禁熙甯四年權三司使遷右諫議
大夫河洮用兵向未嘗乏供給及解嚴疏乞裁溢員汰
冗卒省浮費節橫賦手勅褒納進龍圖閣直學士遼人
求代北地加樞密直學士給事中知定州高陽關募兵
敵陰遣人應選向諜知之主者覺縱使亡去遣邏捕取
械送瀛州戮於市北使數出不遜語雲應點兵涿易治
道向彼欲彊議速成故多張虛勢以撼我使者懼不
如其請故肆嫚言以傲倖取成兵來不除道無能為也

後皆如向言遷工部侍郎控辭用兩府賜制詔弗允元
豐元年同知樞密院向幹局絕人尤善商財計算無遺
策用心至到御史數有言不聽以是益得展奮其材業
論兵上前通暢明決遂得大用及在政地多言宜養威
持重會詔民畜馬向既奉令旋知民不便議欲改為舒
寬論之斥知潁州又改隨州卒年六十六元祐中錄其
言諡曰恭敏長子紹彭有翰墨名次嗣昌刑部尚書
南解榮武帝初以孝廉薦授臨潁縣尹政教兼舉吏畏民
宋懷秩滿乞致仕不允卒於官

明袁

泰烏蘇村人洪武四年進士授湖廣羅山縣丞擢

都察院試僉都御史遷左右副都御史泰才辨明習法律居心廉正當太祖開國初用重典繩臣下泰輒據理法爭甚力多所保全卒於官太祖深悼之遣使致祭祀鄉賢

牛

敬字德恭號慎齋四望村人洪武初選貢稟性剛直

學問優長初任陝西韓城知縣荐陞徐州知州所至皆有政聲孫耘字服農以舉人任陝西安塞縣主簿七年勤治政禁刁風後致仕歸猶好施舍鄉里貧窮多賴之

袁得才洪武中舉人材授米脂知縣宣明政教仁化大行
仕二十一年終於官邸

王 臣正統間貢生任鎮安知縣潔已愛民德政遠播時
有員外郎王元贈詩云久詢鎮安諸父老白頭未見此
郎官襟懷好似冰壺潔器宇渾如天地寬一代文章驚
海內半生名節動朝端竚看三年還書最獨對龍顏問
治安後因騫聞皇役愀然動念未竟厥施以疾歸

張 濂景泰間貢生任安丘主簿卒於官工部劉遷道官祭
曰為士尚志為官尚清為子盡孝為臣盡忠子其兼有